

7 Wasiat

Raja-Raja Melayu



"Kami wasiatkan kepada zuriat keturunan kami 7 perkara yang mana jika kamu bersatu padu dan berpegang teguh kepadanya selama itulah kamu akan aman damai dan selamat sejahtera".



YANG DI-PERTUAN AGONG I
Seri Paduka Baginda Yang di-Pertuan Agong
Almarhum Tuanku Abdul Rahman ibni Almarhum Tuanku Muhammad

Memerintah dari 31 Ogos 1957 hingga 1 April 1960



YANG DI-PERTUAN AGONG II
Seri Paduka Baginda Yang di-Pertuan Agong
Almarhum Tuanku Hisamuddin Alam Shah
ibni Almarhum Sultan Aladdin Sulaiman Shah

Memerintah dari 14 April 1960 hingga 1 September 1960



YANG DI-PERTUAN AGONG III
Seri Paduka Baginda Yang di-Pertuan Agong
Almarhum Tuanku Syed Putra Alhaj
ibni Al-Marhum Syed Hassan Jamalullail

Memerintah dari 21 September 1960 hingga 20 September 1965



YANG DI-PERTUAN AGONG IV
Seri Paduka Baginda Yang di-Pertuan Agong
Almarhum Tuanku Ismail Nasiruddin Shah
ibni Almarhum Sultan Zainal Abidin

Memerintah dari 21 September 1965 hingga 20 September 1970



YANG DI-PERTUAN AGONG V
Seri Paduka Baginda Yang di-Pertuan Agong
Al-Sultan Almu'tasimu Billahi Muhibbuddin Tuanku Alhaj Abdul Halim
Mu'adzam Shah ibni Almarhum Sultan Badlishah

Memerintah dari 21 September 1970 hingga 20 September 1975



YANG DI-PERTUAN AGONG VI
Seri Paduka Baginda Yang di-Pertuan Agong
Almarhum Tuanku Yahya Petra ibni Almarhum Sultan Ibrahim

Memerintah dari 21 September 1975 hingga 29 Mac 1979



YANG DI-PERTUAN AGONG VII
Seri Paduka Baginda Yang di-Pertuan Agong
Sultan Haji Ahmad Shah Al-Musta'in Billah ibni
Almarhum Sultan Abu Bakar Ri'ayatuddin Al-Mu'adzam Shah

Memerintah dari 26 April 1979 hingga 25 April 1984



YANG DI-PERTUAN AGONG VIII
Seri Paduka Baginda Yang di-Pertuan Agong
Almarhum Sultan Iskandar ibni Almarhum Sultan Ismail.

Memerintah dari 26 April 1984 hingga 25 April 1989



YANG DI-PERTUAN AGONG IX
Seri Paduka Baginda Yang di-Pertuan Agong
Sultan Azlan Muhibbuddin Shah
ibni Almarhum Sultan Yusuf Izzuddin Shah Ghafarullahu-lah

Memerintah dari 26 April 1989 hingga 25 April 1994



YANG DI-PERTUAN AGONG X
Seri Paduka Baginda Yang di-Pertuan Agong
Almarhum Tuanku Ja'afar ibni
Almarhum Tuanku Abdul Rahman

Memerintah dari 26 April 1994 hingga 25 April 1999



YANG DI-PERTUAN AGONG XI
Seri Paduka Baginda Yang di-Pertuan Agong
Almarhum Sultan Salahuddin Abdul Aziz Shah Alhaj
ibni Almarhum Sultan Hisamuddin Alam Shah Alhaj

Memerintah dari 26 April 1999 hingga 21 November 2001



YANG DI-PERTUAN AGONG XII
Seri Paduka Baginda Yang di-Pertuan Agong
Tuanku Syed Sirajuddin ibni Almarhum Tuanku Syed Putra Jamalullail

Memerintah dari 13 Disember 2001 hingga 12 Disember 2006



YANG DI-PERTUAN AGONG XIII
Seri Paduka Baginda Yang di-Pertuan Agong
Al-Wathiqu Billah Tuanku Mizan Zainal Abidin
ibni Almarhum Sultan Mahmud Al-Muktafi Billah Shah

Memerintah dari 13 Disember 2006 hingga 12 Disember 2011



YANG DI-PERTUAN AGONG XIV
Seri Paduka Baginda Yang di-Pertuan Agong
Al-Sultan Almu'tasimu Billahi Muhibbuddin Tuanku Alhaj Abdul Halim
Mu'adzam Shah ibni Almarhum Sultan Badlishah

Memerintah dari 13 Disember 2011 hingga kini

7 Wasiat Raja-Raja Melayu

Wasiat Raja-Raja Melayu dan Pemimpin-pemimpin yang diperbuat semasa merdeka pada tanggal 31 Ogos 1957.

"Kami wasiatkan kepada zuriat keturunan kami 7 perkara yang mana jika kamu bersatu padu dan berpegang teguh kepadanya selama itulah kamu akan aman damai dan selamat sejahtera".

7 perkara itu adalah:

Pertama : Kami namakan dan kami panggil akan dia, bumi yang kamu pijak dan langit yang kamu junjung, **PERSEKUTUAN TANAH MELAYU** (sekarang dikenali dengan nama MALAYSIA);

Kedua : Kami isytiharkan dan kami simpan untuk kamu dan kami benarkan kamu isytihar dan simpan untuk anak cucu kamu, selain gunung-ganang, tasik dan hutan simpan,

TANAH SIMPANAN MELAYU sehingga nisbah 50%, selebihnya kamu rebutlah bersama-sama kaum lain;

Ketiga : Bagi menjaga kamu dan bagi melindungi anak cucu kamu serta harta hak milik kamu, kami telah tubuhkan **REJIMEN ASKAR MELAYU** selain untuk membanteras kakacauan dalam negara dan ancaman dari luar negara;

Keempat : Kami kekalkan dan kami jamin Kerajaan dan Kedaulatan **RAJA-RAJA MELAYU** memerintah negara ini;

Kelima : Kami isytiharkan **ISLAM** ialah Agama Persekutuan;

Keenam : Kami tetapkan bahasa kebangsaan ialah **BAHASA MELAYU**; dan

Ketujuh : Kami amanahkan dan kami pertanggungjawabkan kepada Raja-Raja Melayu untuk melindungi **KEDUDUKAN ISTIMEWA ORANG MELAYU dan KEPENTINGAN SAH KAUM-KAUM LAIN**. (Kemudian ditambah kedudukan istimewa anak negeri Sabah dan Sarawak).

7 Wasiat yang diterjemahkan dalam perlembagaan persekutuan

1 MALAYSIA – Perkara 1 (Nama, Negeri-negeri dan Wilayah-wilayah Persekutuan)

Persekutuan dinamai Malaysia pada 16 September 1963. Negeri-negerinya terdiri daripada Johor, Kedah, Kelantan, Melaka, Negeri Sembilan, Pahang, Perak, Perlis, Pulau Pinang, Sabah, Sarawak, Selangor dan Terengganu.

2 TANAH SIMPANAN MELAYU – Perkara 89 (Tanah Rizab Orang Melayu)

Mana-mana tanah di sesuatu negeri yang menjadi tanah rizab orang Melayu sebelum hari merdeka mengikut undang-undang yang ada, maka tanah itu boleh terus-menerus menjadi tanah rizab orang Melayu mengikut undang-undang itu sehingga selainnya diperuntukkan oleh Badan Perundangan Negeri dengan suatu Enakmen.

3 REJIMEN ASKAR MELAYU – Seksyen 16(1) Akta Angkatan Bersenjata 1972

Seksyen tersebut menyatakan “Mana-mana orang boleh diambil masuk ke dalam angkatan tetap; dengan syarat bahawa hanya orang Melayu boleh diambil masuk ke dalam Askar Melayu Diraja”. Askar Melayu Diraja diilhamkan pada tahun 1902 dan ditubuhkan pada tahun 1932 di bawah Malay Regiment Ordinance. Pasukan pertama Askar Melayu Diraja terdiri daripada 23 orang dan meningkat kepada 2 batalion pada tahun 1941. Askar Melayu Diraja pernah berperang dengan tentera Jepun di Pengkalan Chepa, Kelantan dan di Singapura dalam Perang Dunia Kedua.

Angkatan Tentera Malaysia terdiri daripada tiga perkhidmatan iaitu udara, darat dan laut yang semuanya terbuka kepada semua kaum. Askar Melayu Diraja hanya satu komponen dalam pelbagai bidang ketenteraan dan berperanan mempertahankan negara dari ancaman dan pencerobohan dari luar negara tetapi tidak terlibat dalam ketenteraan awam dan keselamatan dalam negara.

4 RAJA-RAJA MELAYU – Perkara 32 **(Kepala Utama Negara Bagi Persekutuan dan Permaisurinya)**

Kepala Utama Negara bagi Persekutuan digelar Yang di-Pertuan Agong yang mengambil keutamaan mengatasi segala orang dalam Persekutuan. Raja Permaisuri Agong mengambil keutamaan mengatasi segala orang lain dalam Persekutuan selepas Yang di-Pertuan Agong. Yang di-Pertuan Agong dipilih oleh Majlis Raja-Raja selama tempoh jawatan lima tahun.

5 ISLAM – Perkara 3 **(Agama bagi Persekutuan)**

Islam ialah agama bagi persekutuan tetapi agama-agama lain boleh diamalkan dengan aman dan damai di mana-mana bahagian Persekutuan. Raja/Sultan di setiap negeri ialah Ketua Agama Islam bagi negerinya dan bagi negeri-negeri yang tidak mempunyai Raja/Sultan, Yang di-Pertuan Agong adalah ketua Agama Islam negeri itu termasuklah Wilayah Persekutuan Kuala Lumpur, Labuan dan Putrajaya.

6 BAHASA MELAYU – Perkara 152 (Bahasa Kebangsaan)

Perlembagaan Persekutuan memperuntukkan bahasa kebangsaan di Malaysia ialah Bahasa Melayu. Kedudukan Bahasa Melayu sebagai bahasa kebangsaan bagaimanapun tidak menafikan kedudukan dan hak bahasa lain untuk digunakan, dipelajari dan dikembangkan sekalipun dengan menggunakan dana awam. Pindaan kepada perkara ini tidak boleh diluluskan dengan tiada perkenan Majlis Raja-Raja.

7 KEDUDUKAN ISTIMEWA ORANG MELAYU DAN KEPENTINGAN SAH KAUM-KAUM LAIN – Perkara 153 (Perizaban Kuota Mengenai Perkhidmatan, Permit dan Sebagainya Untuk Orang Melayu)

Perlembagaan Persekutuan memberikan tanggungjawab kepada Yang di-Pertuan Agong memelihara kedudukan istimewa orang Melayu dan Bumiputera mana-mana negeri Borneo dan kepentingan-kepentingan sah kaum-kaum lain. Perlembagaan Persekutuan memperuntukkan rizab kuota orang Melayu dan bumiputera dalam perkhidmatan awam, kemudahan pelajaran, permit dan lesen perniagaan.



KEMENTERIAN
PENERANGAN
KOMUNIKASI
& KEBUDAYAAN



JABATAN
PENERANGAN
MALAYSIA

Diterbitkan oleh

JABATAN PENERANGAN MALAYSIA

Bahagian Penerbitan Dasar Negara

Tingkat 12, Kompleks Kementerian Penerangan

Komunikasi dan Kebudayaan

No 49, Persiaran Perdana Presint 4

Pusat Pentadbiran Kerajaan Persekutuan

62100 Putrajaya

Laman web : <http://www.penerangan.gov.my>

E-Mel : webmaster@inform.gov.my



SIRIM
MS ISO 9001 :2008

B.002 (B.M.) Januari 2013 (100.)